



ი. გრიშაშვილი
 ი. გრიშაშვილი
 ვთტყ მაცაშვილი
 ვთტყ მაცაშვილი
 ვთტყ მაცაშვილი
 თშთლი შჟშა
 ვარლამ რუსაძე
 ვასილ შარნთვი
 ვთწია გამსახურდია

თათრის ქალი სეუესარქისში

შაფარას

რომანსურა

* * *

Panta rei

1921 წლის გათვალისწინებით

ბჟინის კანონი

საქვეყნო საბჭო

თელთრე დსტოქსა

სელთვრების მაცაშვილი



მ. გრიშაშვილი

თათრის ქალი სუფსარქისში

შენმა ყაბარჩამ უცხო რანგი ვერ შეითვისა,
დადიხარ მუდამ სუფსარქისში, ჩემო ლამაზო,
ინახავ წუმსა, რომ ლოცვებით შემოიკმაზო,
მაგრამ რად გიყვარს შენ, თათრის ქალს, ხატები სხვისა!
შენი კბილები მძივებია სუფსარქისისა,
თვალი-მაშხალა, ფეხი-ყანწი, ხმა მუხამბაზი
შენს დასაპრობად აღბათ მოვა კვლავ შახაბაზი,
რომ ტკბილის ნუღლით ამოგივსოს მკერდი ქისისა.
როცა გიყურებ, შენი თვალი არ ტოკავს, არ თრთის
ლეთის მშობლის წინ კი შენ ყვითლდები ვით დღოში თართის
ო, შენმა ჩადრმა გული ჩემი ორად გახია,
შევცქერ შენს წარბებს სახარების წაშლილ სტრიქონებს
შენ მგოსნებისგან მოგიმზადებ ჩემნაირ მონებს
და რაც მომივა, დე, მოვიდეს, ჩემზე ახია!

მ. გრიშაშვილი

პატარას

შენ კი მეტრფეი, პატარავ, მაგრამ აბა რაღა დროს
ლამის სევდამ ეს სული ამოსწვას და დაღადროს
ლამის კუბოდ გადმექცეს ზეციური თავანი
ლამის მზეც კი დაეწველო, მთვარის ავანჩავანი
აღარა მაქვს სიცვლიქე, აღარა მაქვს ხალისი
და ლოთი ვარ ლექისისა, ლოთი მესაბრალისი...
ჩემი ძველი აღერსი დრომ თან გადაიყოლა
დამივიწყე, პატარავ, „იყო არა-იყო რა!“
და დღეს როცა ეს გული გამოზრდილი თაფლითა,
მტრის შხამიან ბარდებმა დაგლიჯა და დაფლითა,
როცა სევდამ შეგრაგნა რუქა ჩემი სახისა
და მაშინებს სიჩუმე ჩემივე ოთახისა,
როცა გამოვეთხოვე ჩემს მეგობრებს, ჩემს მიზნებს,
ეხლა ვის რად ვუნდივარ, ეხლა ვინ შემიზიზნებს.
ჩემი ძველი აღერსი დრომ თან გადაიყოლა
დამივიწყე, პატარავ, „იყო-არა-იყო-რა!“
მაგონდება ჩემს რითმებს როცა ვნება დალიდა
ამ ქვეყნიურ სიყვარულს მოვუხმობდი მაღლიდან,
მაშინ თვალის ხვერდზე ნამი ჩუმად დნებოდა,
და ქვებიც კი, ღმერთმანი, ვარდათ მეჩვენებოდა,
სად იყავი შენ ამ დროს, საით იღუპალობდი,
ჩემ სიცილის ხეივანს რატომ არა სწყალობდი,
დღეს კი ჩემი აღერსი დრომ თან გადაიყოლა,
დამივიწყე, პატარავ, „იყო-არა იყო-რა!“

ქ. მასაშვილი

რომანსერო

აღერსით ნათელით, თბილით
ნამტირალ თვალების ნამს
მოაშრობს. აინთვის დილით,
ჩაჰქრება მწუხრისა ჟამს.
კოშმარულ ღამისა მთეველს,
ეკლიან გზითა როს ხვალ
გჯერა, რომ შვებისა მძლეველს
მზე-დედას იხილავ ხვალ...
ტრფობითა ნარნარით, ჩვილით
მემზევა კაეშნის წამს.
ერთმანეთს შვეხდით ჩვენ დილით
განვშორდით მწუხრისა ჟამს...
ფითრდება ღამეცა ბნელი
ამოდის მეუღლე ცის
იმავე ადგილზე ველი...
ამაოდ!.. არ მოვა ის!..

ქ. მასაშვილი

* * *

გამიშრნენ ცრემლები, გაქვავდნენ ფიქრები...
ნამქერში ვმარხავ შე სულს!
კაეშნის ლოდის ქვეშ კუბომდის ვიხრები...
არც მიყვარს... აღარცა მძულს!
უფსკრული... იქიდან ვილაცა მეძახის,
ვილაცა ჩემთვისა სტირს!..
და უკანასკნელი იმედი მესახვის:
მოვდივარ! ცისაკენ... ძირს!..

ქ. მასაშვილი

Panta rei

ერთი და იგივე: მოდიან, მიდიან.
შფოთავენ, იძენენ... ყველაფერს ჰკარგავენ!
მავრობენ მთებივით და ბეწვზე ჰკიდიან,
გონებას და გულსა სკლიან და... ჰკარგავენ.
მირაყთა სინათლე თავში რა დიღია,
ბოლოში წყდიადი... არც გზა, არც ხიღია!..

1921 წლის გადაცვალებაზე

ჩვენ — ქარიშხლებით გულდასერილებს
წაგვიღებს საღლაც დრო უნაპირო.
და თვალდახუჭულ ბედის წერილებს
გააფრენს რაში უუნაგირო.

მსუბუქ ნისლივით გაჰქრება ცაში
ოცნება, ტანჯვა და იმედები.
და ჩვენი სულიც დათურება მაშინ,
როცა იმღერებს გლოვას გედები.

და ვით თმათეთრი წმინდა ბასილც
მოგონებებით დავიტვირთებით,
თუ საზღვარს როგორ გადავაცილებთ
და ვზიდეთ ჯვარი დაკრილ თითებით.

საუკუნეთა მთელმა ცოდვებმა
ჩვენს ქედზე უღვთოდ გადაიარა.
და გულგაჩეხილ ერის გოდება
სულმა წამებით გაიზიარა.

ჩვენ სიკბუქეც არ გვღირსებია,
ადრე დაგჩხავლა ყვაემა ბედითმა.
ჩვენის სიკოდვით აივსებიან,
თუ ველარ შესძლეს წლებმა მეტი თქმა.

ჩვენ გვეძახოდა ხმა შორეული,
როგორც ოცნების ნაზი ღიმილი.
და დაგვრჩა მხოლოდ ღამე წყეული,
გედების გლოვა და სამძიმილი.

ამ უდაბნოში უკვდავებისთვის
უკანასკნელად სული ენთება.
და ვიტანჯებით ციურ ხმებისთვის:
ოდესმე საღმე გაგვითენდება.

წამების ჯვარით წელში მოხრილებს
გვაფარებს რიდეს დრო უნაპირო.
და მოგონებით თეთრად მოსილებს
მიგაფრენს რაში უუნაგირო.

ჩკინის კანონი

(რიტმა ნაკლები)

ეს საუკუნე ფოლიადის მკერდით
 და მოელვარე ჩკინის თვალებით, —
 ამბობებათა ცეცხლის ტალ-კვესი, —
 მოფრინავს ჩვენსკენ წითელი რაშით
 რომ ძველ ქვეყანას აუგოს წესი.
 გუგუნებს ალი კიდით კიდემდე,
 ზანზარებს მიწა, ირყევა ზეცა
 და ეკარგებათ ძველ ღმერთებს ფასი,
 დღემდე ჩვენს გულში რომ ედგათ ტახტი, —
 და იწერება ახალი მრწამსი.
 არის ჰიდლილი ორ ქვეყნის შორის
 დაუნდობელი და საშინელი
 ურთერთს მუსრავენ ადამის ძენი
 და სისხლის სუნით გაჟღენთილია
 ჰაერი, მიწა — სამყარო ჩვენი.
 ახლოა წამი საბედისწერო
 და მის წინაშე კაცის გონება,
 ვით საფლავის წინ, თრთის და კანკალებს,
 ექვთა ბრკელებში გამოიწყვედელი,
 თითქო წააწყდა შავბნელ ნაპრალებს.
 ცხოვრება კი სდგას, წინ მიისწრაფის,
 ისმის გრიალი მძვინვარ ტალღათა
 და ბრძანებს: „თქვენ, ჰე! ვისაც გშურთ შველა,
 ჩქარის ნაბიჯით იარეთ წინ-წინ:
 წინ სინათლეა, „უკან კი ბნელა!“
 და ჩვენც მივდივართ. საით, ან ვისთან, —
 არა გვაქვს კარვად გამორკვეული,
 მაგრამ დარჩენაც არ შეიძლება:
 ასე გვიბრძანა მეფე ცხოვრებამ
 და მისი სიტყვა ვით შეიცვლება!

1920 წ. 1 მაისი.

სადედოფლო სარტყელი

„ჰაი, შე უშნოვ! როგორ უმიზნებ?! მთელი ნაბიჯი ასცდა ჯილს!

„კარგი, გიგო, თუ ძმა ხარ! ახლა შენ დამნავსე... ისეც წაგებაში ვარ.

„მაჩვენე კოკი!.. მარცხენა ჩავიტყვიანებია. მარჯვენა უნდა, რომ ცერი დაენდოს თოხანს, სალოკი ახედება ეხლა გლუვ მხარეს, სსლტება სროლის დროს...

„გეყოფა ერთი! ძალიან მასწავლებელი გამოხვედი... დასხი შენც! გინდა?

„დაესხამ!—არ კი მიშაროთ: ძალიან მშთან, მესუთე გაკვეთილიდან მოვდივარ; მარტო ერთ ხელს ვითამაშებ: წაევაგებ, ალალი იყოს; მოვიგებ, წაეალ.

„ხუთხუთია!

ჩაამწკრივეს კაკლები. სულ დაბროლილი იყო. დიდი წრის შემოვლება დასკირდათ: ბევრი იყო მოთამაშე ტოლ-სწორი. ყარეს კოკი, ვის როდის ესროლნა, ამოილო გიგომ ჯილა, ვერძის კოკი სუფთად ჩატყვიანებული, მცირედ ქუქწალესილი.

„ასცდა!

„ვაჰ, ნაღლა მომივიდა.

„ასცდა! რომ აუტურებ, არ იცი, ვერ მოარტყავ; მტერიან მიწაზედ მოცურება?!“

„კენწლო! ბეწვის ტოლაც და წრეს გააცილებდა თეთრ კაკალს: ძლიერად მიბზრიალებდა ჯილა.

„ერიჰა! კოჭურით?! ვინ მოგცემს ნებას?!“

„არა მაქვს ჯილა!

„აჰა ჩემი!

„აფუ მე! ფეხი წამიკლა...

„არა, ეგენი არ იყოს... ჩამოდევ!

„ესროლოს, არა უშავს რა.

„ასცდა!

„ჩემი ჯერია! წამოიძახა გიგომ და მოიხსნა წიგნებით სავსე აბგა, გადასცა ამხანავს.

„ქახ!

„კიდევ?!“

„ქახ!

„გეყოფა!

„მაცა!

„სულ გაიტანს კაკლებს!

მთლად არა, უმრავლესობა კი გააცილა წრეს. ჩაიყარა კაკლები ჯიბეში, გადიგლო მკლავზედ აბგა. იქვე გაკენიტა ერთი, პირს იკრა მსუქანი ლებანი. დაეშვა ხტომით შინისკენ.

* * *

მიხტოდა ბეწვი, მიგოვმანებდა; პირი უღიმოდა. კარგი დღე იყო მისთვის: სკოლაში გაუმარჯვდა, ორ საგანში ხუთიანები მიიღო, სხვებს რომ შიმშით თუ უხეპლით ჩააქდიეს სწავლის საჭიროება და მუხლის თავებით შეაგრძნობინეს მისი აუცილებლობა, იმას ქოჩორზედ გადაუსვებს ხელი. ამისთვისაც მიუხაროდა შინ, რომ კარგ ამბავს მიუტანდა თავის ტოლ-სწორს. ძალიან უყვარდათ იმათ გიგო. ჩვეულნიც იყვნენ კარგ ამბების სმენას მალხაზი ბაღლისაგან ნიჭიერისა.

„ვინც პირველად შემხვდება, კაკალს ვაქმევ მონაგებს, ფიქრობდა.

მიეშურებოდა. შიმშილიც კი მიაჩქარებდა: ჯიბით წამოდებული ყუა დილითვე გაათავა.

მეტადრე გოგოები ევლებოდნენ თავს. ლამაზი ბაღლი იყო, მგრძნობიარე, მხიარული; თანაც

უწყინარ-უზაკველი, მთლადაც მისანდობელი. ერიდებოდნენ სხვებს, ავზნიანებს: აღარც ისე პატარები იყვნენ, ქალ-ვაჟთა ზღაპარი სამარადისო მთლად უცნობი ყოფილიყო მათთვის; უკვე ჰქონდათ მათ ბუნდოვანი წარმოდგენა ამ ლამაზ არაქად. ეს უფრო ახლოვებდა გოგონებს გიგოსთან. ბრძნულად მოწყობილი ოჯახის შვილი იყო ზნეფაქიზისა და უბნის ტოლ ქალებს ისე უყურებდა, როგორც თავის დებს. არ იცოდა ორაზროვანი ქცევა თუ თქმა, არ ენერხებოდა; გულწრფელად უყვარდა ისინი, სასწავლებელში სულით მოღლილი იმათში ისვენებდა, ხალისდებოდა. იმათაც გიგოს ნაღველი თავის დარდად მიაჩნდათ, მისი სიამე თავის სიხარულად.

გასცდა დიდ ქუჩას, ჩაუხვია ქუჩაბანდისკენ. შემოვლება ლიზიკო.

„ძლივს არ გამოჩნდი! რამდენი ხანია გიციდი.

„ებლა გავათავეთ გაკვეთილები.

„სხვა ბაღლებმა რათა ხანია გაიარეს.

„ჰო, ერთი ხელობა წრე ვითამაშე ზევით. რა კაკლებია! უთხრა ბაღლმა და ამოაღა ჯიბიდან.

„ნუშოსაც მიეც, ანიკოსაც; დაურიგე, ვისაც გაჰხვდეს.

„შენ?

„გზაგზა ვსქამდი... კარგ ფეხზედ ავდექ დღეს: ხუთიანებიც მივიღე, კაკლებიც მოვიგე.

„კარგი ხარ და იმისთვის! მეც რამე უნდა გახარო გიციდი, რომ პირველად მე შეთქვა.

„მამა ჩამოვიდა? რამდენ ხილს ჩამოგვიტანდა!

„არა. დიაცა! ბატონიანთ ქორწილი აქვსთ ამალამ, მკვირვალიანთ: ციაგასა სწერენ ჯვარს.

„ვეყურით; საყდარშიც გავყევით, როგორ მდიდრულად იქნება მორთული!

„დიაცა, ბიკო! აღარ ათქმევინებ?! შენიშნა მაგნომ, რომელიც მიეტოლა მათ.

„ის უნდა შეთქვა: ქორწილში შენ დაგიძახებენ.

„სარდაფის მართამა სთქვა, გიგოს დაუძახებენო, ჩაურთო ნუშომ.

„თურმე იმისთვის უნდა დაგიძახონ, რომ სარტყელი შემოარტყა პატარძალს, ჩამოართვა სიტყვა ბაბილომ.

„მართლა?! მაგრამ საიმათო ტამისამოსი რომ არა მაქვს. სულ თავადიშვილები იქნებიან, დიდკაცები... იპ, არ წავალ!

„შენ გენაცვალე, წადი!

„უნდა წახვიდე! დაათვალიერე ყველაფერი და გვიამბე. ძალიან მდიდრები არიან, სულ ოქრო-ქსოვილში და თვალ-მარგალიტში ჩასვამენ დედოფალს, უბრძანა კონამ.

* * *

მკვირვალიანი... ციაგა... წადი!.. ადვილი სათქმელი იყო ყველა ეს, მაგრამ ძნელი ასასრულებელი ვილაც ქუჩის ბიჭისათვის, თუნდაც სკოლაში გამარჯვებულისა.

ორსართულიანი დიდი სახლი მტკვარზედ გადაკიდებული აივნებით; ზევით მხარეს მშენიერი წალკოტი, ალვის ხეები; ლითონის ლომები ალყაფის დარაჯად; მარმარილოს კიბეები წითელი სკლატით დაფენილი; სამდლიანი ფანჯრები მთლიანი ბროლისა, მზის სხივებზედ რომ თვალსა სჭრიან ლაპლაპით; ბატონი გრიგოლი გრძელტარიანი ყალიონით, უშველებელი ნაგაზი რომ ახლავს განუშორებლივ. რა მგრგვინავი ხმა აქვს! ახლა იმდენი დიდკაცობა...

„ძალიან მეძნელება; შეშინიან... ციაგას სარტყელიო, უმხლებლოდ რომ არ ვაივლის, იმ მზეთუნახავისა... მისი მედიდური ღიმილი დამცინავი... არა!

„წადი, თავს შემოგველე! შენი ბაბილო არა ვარ?! აბა თვალებში ჩამომხედე და ისე მითხარ უარო.

„შენს ანიკოსაც უარს ეუბნები?! აკი სულ იმას მეტყობდი, შენთვის ქვესკნელის ცეცხლს გავაპობ და დევისაგან დაგისხნო, პირყვითელ დევისაგან თვალცეცხლიანისა.

მოდი და ნუ წახვალ, ნუ გაიტეხინებ, შეკრთობა დაიჩინე და შიში!

ერთხანს გაჩუმდა გიგო: კვლავ ყოყმობდა; მერმე წელში გაიმართა, თავი მოიმამაცურა, ქორზედ ხელი ვადისვა, მუხლი მაინც უთრთოდა: ძნელ საქმეს უბრძანებდნენ სასტიკი მაცოთური ხვეწნით, ლამაზ ალერსით.

„მიდინხარ? აი ყოჩაღ! ისევ ჩენი გიგო ხარ.

„იცი, გენაცვა, წადი, ისადილე, გაკვეთილებიც დაამზადე. საღამოზედ მოვალთ, რომ გნახოთ, როგორ იქნები ჩაცმულ-დახურული.

„ხალათი გახამებულ პერანგზედ ჩაიცვი: ხელაღვე გავავლებ წყალში და გაგინამებ.

„ლილები ხომ არ აკლია ხალათს? გავსინჯავ, დაგიკერ-დაგიმავრებ, კიდევ დაგიუთოვებ.

„ჩემთვის უნდა დავვალეზინათ ეგ საქმე, რომ სულ ხტომით წავსულიყავი; მაგდენი ხვეწნაკი არ დამჭირდებოდა, სთქვა ვალიკომ,

რომელიც დიდი ამხანაგე იყო გიგოსი, მაგრამ მაინც შურით უყურებდა ეხლა მის გამარჯვებას.

„შენ რად დავიძახებდნენ? გიგოსთან როგორ მოხვალ შენი? ამას ბედნიერი ხელი აქვს.

„ამისი ხელი ბევრჯერა სცადეს და ყველამ იცის, ბედნიერი ხელი აქვს. შენც კარგად იცი ეს და ნება ტყუილ-უბრალოდ რალად ლაპარაკობ? შერისხა ის ბაბილომ და ზურგი შეაქცია.

* * *

„რა პატარძლის მომრთავ-მომკახში იქნებოდა ვილაცა ბიჭი და მერმე დიდებულ ოჯახში, ბატონიშვილის სწორი კაცის სასახლეში? არ მესმის: საკვირველ რასმე ამბობ.

„არც საკვირველს ვამბობ, არც დაუჯერებელს. აღარ თუ გახსოვს ჩენი ქართული ჩვეულება. მისმინე! ქორწილს ბევრი ჩვეულება ასდევს ზოგი გამოცდილების შედეგი, სხვა ცრურწმენისაგან წარმოშობილი, ზოგი სიმბოლიური, შორიდან მანიშნებელი, ერთ ამ ჩვეულებათაგანია: პატარძალს სარტყელს შემოარტყამს გამთავნებული ოჯახის პირმშო ვაჟი ბაღმრავალ კერისა. გიგო უფროსი შვილი იყო ამგვარ ოჯახისა. მისი მშობლები იღვწოდნენ ფრიად, გულმოდგინედ ასრულებდნენ ეკლესიის ბრძანებას: „განმრავლდი, ვითარცა იაკობ!“ მოგვხსენება, თორმეტი მარტო ვაჟი ჰყვანდა ამ მამათმთავარს; ქალებს აღარა ვსთვლი, გიგოს დედამას მიზნად დავსახნათ, ებაძნათ იაკობ-რახილისათვის და მიმზგავსებოდნენ მათ. დიდ იმედებსაც იძლეოდნენ: მათი პირმშო რომ ჯერ თერთმეტ-თორმეტი წლისა იყო, ოთხი ძმა სხვა ჰყვანდა, ერთიც დაიკო. მერმე როგორ დვიოდნენ წვრილფეხობის მშობლები! ეს იყო მიზეზი, რომ გიგოს სახელი დაუვარდა, ბედნიერი ოჯახისა არისო.

თითონ ბაღლიც მიმზიდველი იყო. ნაქეთად კარგი, ეზიანი; ცეცხლმფრქვეველი თვალები აზრიანი; მოსიყვარულე გული ალერსიანი; გამარჯვებულად სწავლა სკოლაში. რჩეული ბაღლი იყო. უბნის უბრალო ხალხი ალერსით უყურებდა მალხაზს. სოფლიდან იყო; ხელმოკლე ადამიანის სახლში სცხოვრობდა, ნათესავის კერაზედ. მისი იქ ყოფნა დაბეჩავებულ თვისისათვის რომ ხელსაყრელი იყო, ბაღლისათვისაც კარგი გამოდგა. უცხოობას არა გრძნობდა გულკეთილი დისახლისის ხელში.

ერთობ სუფთა ქცევა-ზნეობისაც იყო ბაღლი: ახალი იაკობ-რახილი თვალის გუგასავით უფრთხილდებოდნენ თავიანთ ლამაზ კერას, იქ ვერ გაიწაწანებდა ზნეობის შემლახი სიტყვა თუ ქცევა; მათ სახლში დაეგანა უმანკო ნათელს მზიარულს და პატარასაც იგი ნათელი ჩაჰქარგოდა ბუნებაში. მიტომ უმწეროდნენ მას მახლობელნი ლამაზი ღიმილით. ყისმაფიანიც იყო: უბანში რამდენიმე პატარძლისათვის შემოერტყა მას სადებდოფლო სარტყელი და ყველას საბედნიეროდ მოახდენოდა მისი ხელი: უკვე ოქროსქორჩიანი ვაჟები ეჭირათ ხელში, სხვებსაც მოელოდნენ.

რა ვუყოთ, რომ მკვირვალიანი დიდი დიდკაცები იყვენ? მაინც ქართველები იყვენ, ქართულ ჩვეულებათა მიმდევარნი; თუნდაც საწყალ ხალხში ფეხმოკიდებულ ჩვეულებათა.

გიგოს სახელი მჭვირვალის მანდილოსნებსაც გაეგონათ: მოსარეცხე, პურის მცხობელი, შეუმარილე, პირის მკეთებელი სულ იმ უბნიდანა ჰყვანდათ და ქუჩის ამბებს რომ უამბობდენ ისინი დიდებულ დიასახლისებს, ბაღსაც ახსენებდნენ, ქებით იტყოდნენ მის სახელს. ეხლაც პირის მკეთებელმა სალომემ ურჩია დიდ ქალბატონს, გოგოსათვის ებრძანებინა, სარტყელი შემოერთყა პატარძლისათვის.

„ბედნიერი ხელი აქვს იმ ბავშვს! ნაცადია: იმან შემოართყა სარტყელი მკერვლიანთ კაკატოს, წოწოქიანთ ანოს, ღორისკუდაანთ ბაბალეს, ყრუმატიანთ ქეთეთოს. ყველანი ბედნიერი დედები შეიქმნენ: წლის თავზედ მარწყვივით ვაყები ეჭირათ ხელში, ხომ ჰნატრობ, ქალბატონო, ამ შენმა ციაგამ შეილისშვილს შეგასწროს, ბედნიერი დედა შეიქმნას?“

„ჩემი ოცნებაა ეგ!“

„მაშ უბრძანე, ის ბაღი მოიყვანონ, იმან შემოართყას სარტყელი.“

„აქვს რამე სუფთა ტანისამოსი, რომ ამოდენა სტუმრობაში...“

„რა ბრძანებაა! არც ისეთი ღარიბია. სუფთა ხალათი, შალვარი, წულები... თქვენც კი მოგეწონებათ, იხეთი გვრიტივით ვაყია, ეუბნებოდა დედაკაცი.“

და თან პირს უკეთებდა მზეთუნახავს, შიგადაშიგ სიტყვის შეწყვეტა უნდებოდა დედაკაცს: მუშაობის დროს ძაფის ერთს წვერს პირში იჭერდა, როგორ თუ პირს უკეთებდა?!

„არც ეგ იცი?! ეგ, გასაკვირველიც არ არის: მთლად დაივიწყეს პირის გამოქნა... მისმინე! მაშინ ქალის სახის მორთულობად არ ითვლებოდა ბალანი. გამჩენს ქალი პირტიტველი გაუწყესებია, ვაყი პირბანჯგვლიანი. სადაც ბუნება გარეწრობას იჩენდა და თვის კანონს თითონვე არღვევდა, იქ ხელოვნება აწორებდა მის შეტოვას: მტკიცედ გრეხილი ძაფი ნახვეწი ძირიანად აგდებდა ბეწვის ნასახს ლამაზის სახეზედ. რა დახელოვნებული იყო სალომე! მარდად, სუფთად, უწიწკნელად; წარბებსაც აუვლ-ჩაუვლიდა გადაგრეხილი ძაფით, რომ ბეწვს განზედ არ გაედგა ფესვი და გიშრის მშვილდთა მოზიდულება არ ეუშნობინა, ვუჯექ მუხლის ძირს და შეეცქეროდი. ეხლა რა! ვაყნი მთელ სახეს საქალამნესავით იფხეკენ, ქალნი პირის ბუსუსს თვალისჩინივით უფრთხილდებიან და ამრავლებენ.“

„ცდილობენ, აქაც ქალ-ვაყთ თანასწორობა დაამყარონ.“

„ან რა ქმნან: განათლებული ევროპა ეგრე იფხეკება. ხელსაყრელიც არის: ახალი მოსჩანს ვაყკაცი, ჯერ ისევ პატარა.“

„მაინც ვფიქრობ, ევრძს რქები აშვენებს, ვაყკაცს წვერ-უღვაში რქათა ბედალი...“

„ჰო და სალომეს გაეკვლივნა გოგოსათვის გზა მჭვირვალისათვის სასახლეში. შეუმარილე მართაც მიაშველებდა.“

გაჩირადლებული სავანე დიდებულთა. ქალები, ვერცხლის შანდლები, წვივმალაღი ლამპრები. მთელი იატაკი ორხოებით მოფარდაგული. კედლები დიდრონი სურათებით მოფენილი. ხავერდის სავარძლები, სელები; შირშიით მოოქვილი სკამები. სხვა და სხვა ჯურის მაგიდა თაიგულებით დატვირთული, ლამაზ ლამაზ მამრათებში ჩადგმულ ყვავილთა კონებით. ვერცხლის სურები, თასები, ფიალები, ჩოგრაათები. ზეკატა სადგომი სამოთხისებური. რა შრილა ტანთსაცმელი! მანდილოსანნი, ქალ-რძალნი პირადპირადად შემკულნი. ჯინჯილ-დეზებიანი რაინდები მზაროქროიანი და მათ შორის რიხიანი ბატონი ბაგრატა ყურთმაჯებ გადაყრილი. განა ერთი ოთახი, მთელი წყობა სხვადასხვა გემოზედ მორთულ დარბაზისა, გალიაკებისა. სუნი სუნნადსუნნელი. საიდანღაც საკრავთა ეღერა. ტბილი ღიღინი.

„აქათ, ბაღლო, აქათ! მე მომყევ. როგორ აცაბაცა მიგირბის თვალები. აგერ თითონ პატარძალიც. მიდი!“

მიდიო! დააბნია ბავშვი უნახავმა სიმდიდრემ მრავალგვარმა, ამოდენა ბატონებისა და ქალბატონების ყრილობამ. მიდიო! კინალამ მთლად შეკრთა და შეშინდა ბალო.

„რა პირით და ვეჩვენო ჩემებს, გაურბინა ელვასივით ფიქრმა.

დაეხატა გონების სარკეში სანდომი სურათები თავის მეგობრებისა, ქუჩაში რომ იყვნენ ეხლა შეგვფუფილნი და შიშით თუ ცნობისმოყვარეობით ელოდნენ თავიანთ გიგოს: იცოდნენ ლამაზებმა, რა ძნელი საქმისათვის შეაგულიანეს ის.

„იცი, გოგოჯან, ისე მაკანკალებს, თითქო იანვარიო: გიგოს მაგივრად მე შეშინიან.

„მე ვერ შევებდავდი სასახლეში, ფეხსაც ვერ შევდგამდი.

„მეტადრე ეხლა, როცა ამოდენა ხალხი შეყრილა იქ, სულ დიდკაცობა.

„მართლა კი არ შეშინდეს ი ბიჭი, ხელი არ აუკანკანკალებს, რასმე არ დაეჯახოს.

„მეფიქრება, არაფერზედ გაურისხდეს დიდი ბატონი: ჯავრიანიო, ბოროტი.

ტყილადა შიშობდნენ კარგები: მათმა სახემ გაამხნევა გიგო, ერთს წუთზე შესდგა პატარძლის წინ შემკრათლი—აღელვებული, მაგრამ მაშინვე შეიბერტყა, ქაოროზედ ხელი გადისევა, თავი მოამამაკურა და წარსდგა ბიჭი. დაჰკრა თვალი ციავას. სხარტი ქალი, ტანწვრილი, მალალმალალი. მშვილდევით წარბები. შავი თვალები დიდრონ დიდრონი. კეხიანი ცხვირი...

„მიინც ნუშა გჯობა, ლიზაც, ეონაც, გაიფიქრა პატარამ.

დედოფალი მთლად ფარჩაში იჯდა სირმანაკერში. ელავედა თვალმარგალიტით მოოქვილი. კაბის წინკადთა შეტაცებით იდგა, პაწაწა ფეხი მოსჩანდა მალალ ქუსლიან თეთრ მაშიაში. ქალმა ალერსიანად დახედა პატარას. მოწყალე თვალმა ოდნივ მოლიმარემ გაამხნევა ბიჭი.

„სარტყელი! ბრძანა ქალბატონმა.

მოიღეს სარტყელი და რა სარტყელი! უბრალოსა ჰგენდა ერთის შეხედვით იგი ფასდაუდები: უმანკო თეთრი ქსოვილი აბრეშუმისა, მჭიდროდ ნაჭედი, მძიმე; სარტყლის ტოტებზედ ამოქარგული გაშლილი რტონი ყვავილოვანნი, ოდნავ დახრილნი; მთელი რტო, — დეროც, ფოთლებიც, ყვავილებიც, — მარგალიტის შეფარებული მარცვლებით გამოყვანილი, დიდის გემოვნებით ნახელოვნები.

თვალი მოსტაცა პატარას სარტყელმა, სხვა ყველა სანახავი დაჩრდილა. იქნება იმისთვის, რომ მხოლოდ ამ სარტყელთანა ჰქონდა. მას საქმე, მარტო მან შეადგმევინა ფეხი დიდებულ სახლში.

„ბედნიერი ხელი გქონია, ბალო; აბა შემოარტყი ეს სარტყელი ჩემს ქალს, კეთილი უსურვე. გამხნევედა ვაჟი. თამამად ჩამოართვა სარტყელი, მიუახლოვედა ქალს, შემოავლო წელზედ მკლავები. ძალიან ახლო მოუხდა მისვლა, სახე შეახო მკერდს: პატარა იყო, შორიდან ვერ შემოაწვდინა მკლავები.

„სიხარულიმც შემოგერტყემა ახალ ცხოვრებაში! წარსტყვა დასწავილილი სიტყვა, არა ერთხელ განმეორებული.

„აი გაიხარე!

„მართალი თქვეს, კევიანი ბალოიაო.

„დაბალ წოდებაშიც გამოდის შიგა-და-შიგ შესამჩნევი ყმაწვილი.

„უბნის საყვარელი ბავშვიო.

„ტოლსწორს ხომ უყვარს, დიდრონებსაც შეილივით მიაჩნიათო.

„აი, პატარავ, ეს საკუთრივ შენ! ეს კი შენც გეყოფა, შენ ტოლ-ამხანაგებსაც, უთხრა ქალბატონმა.

და ერთს ხელში ოკრო ჩაუდვა, მეორეში ქალადლის პარკი მისცა პირამდისინ შექარლამით საესე.

„ესეც ჩემი მხრივ! უთხრა სხვამ.

და ჯიბე-უბე აივსო ლანგრებიდან აღებულ ხილეულობით.

„ბიჭო, პატარავ, აბა ერთი შემომხედე! უბრძანა დიდმა ბატონმა.

და ნიკაპი აუწია ორი თითით.

„კარგი სჩანხარ! აი ესეც ჩემი მხრივ! უთხრა.

და სხვა ოქრო ჩაუდგა ხელში.

ალარ ახსოვდა, როგორ გამოიარა იმოდენა ოთახები. ჩამოაცილეს კიბეზედ. გამოხტა ქუჩაში გაქარხლებული. ჰკითხავდნენ. ეტყოდა. არ აცლიდნენ. ერთი საგნიდან მეორეზე ხტებოდა; ერთი აზრიდან მეორეზედ ფრინავდა ფრთიანი სიტყვა. რა უშავდა! ყველა საგანი კარგი იყო, სურათთა ყველა ნატეხი თვალთწარმტაცი. დაუბრუნა ნაშრომარი. დიდრონებსაც გულმა ვეღარ გაუძლოთ: მივიდნენ, ჰკითხავდნენ, აქებდნენ. მათაც ერგოთ სატყბარუნები.

* * *

ახ, რა კარგი დღე იყო იგი დღე გიგოსთვის, ლამაზი, ბედნიერი! განა ბევრი არის ადამიანის ცხოვრებაში ამისთანა შემკული ჟამი! ეწვალბებ-ეწამება იგი მთელ თავის სიცოცხლეში, საკუთარის მარჯვენითა ჰკაფავს გზას ეკლიან სავალზედ თვისის ყოფისა, უდიერის შრომით აპობს მის წინ ვადახირულ საბრკმელთა სიმრავლეს.

რამდენჯერ დაიკვნესებს იგი ტვირთ-მძიმე რკინის უღელ ქვეშ, დაჰგმენს უჩუმრად; რამდენჯერ დაიშხლისთავებს მიწამდინ დაზნეკილი. ზევე აღსდგება! იბრძვის უტეხი! მაინც ისევ სისხლზედ ზელილი პური უდევს ხალთაგულდაში ცალიერი, უსატანო; მაინც საოცნებო რჩება მისთვის რძეზედ მოზელილი პური, სანატრი.

და გამოჰკურავს იგი ცხოვრება მთელ მის არსებას. ჩაუნელებს და ჩაუქრობს მის გონებას ლამაზს მანათობელს, რომლის შუქს მისდევდა გულუბრყვილო, რომლის მიწოდამს ოცნებობდა გამოუცდელი; წამოუვლიერებს გულს, გრძობის შესაკრებელს, მისთვის თურმე არ დაწერილ ლამაზ გრძობებისა; უხეშად ვადაზნექს მის ნებისყოფას, მილადაც ვადაჰფენეტს მის სურვილთა თუ მისწაფებათა მისაყრდნობელ სვეტს და უძლოურ შეჰქმნის კაცს მსახურებად სინათლისა. საფუძლით შეარყევს ბრძოლის კოშკებს მის სულიერ აღმოფრენათა და იმ გოდოლთა ნაღვეწამსხვრევებით დაჰფარავს მის ჰრელფრთიან ოცნებებს სანატრელთ.

და ცხოვრების იგი სიმძაფრე არ იკმარებს მისი სულის გაპარტახებასა, იავარ-ქმანას მის ნათელ აზრთა, ლამაზ გრძობათა თუ კეთილ მისწრაფებათა. სვედის მგვრელ სახედ გადაეფინება ნივთიერ მის არსებასაც: გამოჰკურავს მას, ღალას დაუნთქავს, ჩვილ ტანს გაუშრობს, გაუგმობს; დაჰქნობს მის დაწვზედ გიშლილ ვარდს მისისას; ყორნის ფრთის ფერს თმასა ცივად დაუთრთვილ-დაუთოვლავს; ჩაუნელებს თვალთა სინათლეს, ჩაუნავლავს და ჩაუქრობს მუნ გზნებულ ცეცხლს ტკბილად დამწველსა; მოხრის სარო ტანს, მოსტეხსცა იმას, სამით ატარებს; დაჰღარავს მის შუბლს ოდესმე მტკიცეს და...

და ვადასტყორცნის კასკას—ხარხარით თვით უფსკრულში საზარელის არარაობისა... ესე ახლა სხვას, ესე კვლავ სხვას, ესე სიმრავლეს უთვლელს, უამრავს...

და შეგხედება მოძრავ ჩონჩხად იგი სამიწედ გამზადებული, ოდესმე სიცოცხლით სავსე, კეთილ ძალთა სავანედ წარმოშობილი. ის არის, მაინც ის არ არის! მოდის, გიღიმის; შენც უცინი; გეტყვის რასმე, სიტყვას გამოგიფთხავს, შენც მიუგებ, თქმასვე ვადუძღენი; მაინც იცი, ის არ არის, თუმცა იგია: ლანდია მისი უშნოდ ნალრევი...

და გისევდიანებს გულსა უბინდოს, ჩამოგიბინდებს ნათელსა დილას...

ნახე წალკოტში ყვავილთა კორდი ზამთრისა სუსხით ნახრობ-ნაშალი. ატყვივა გული: ალარ დამრჩალა არც ნასახი მათ სიტურფისა. აგერ გამხმარა, მტვრად ქცეულა ლალი ზამბახი; აპა ჩამპალა ეს სუნნელი ტურფა ბილილა...

ამაო ამოვებათა! მაგრამ...

სისაძაღლე იგი მოახრებისა! მაგრამ...

* * *

„გამარჯვება, დათიკოჯან!

„გაგიმარჯოს, ჩემო გიგო!

„ხომ თითქმის ყოველდღე ვხვდებით ამ გზაზედ ერთმანეთს, მაინც ეხლა ვინატრე შენი ნახვა და ამისრულდა.“

„ბედნიერი წუთი! ნეტა სხვა რამ კარგი გენატრა, თუნდა „თეთრით გულა გულაზედა“. მაინც? შევედქე. აღელვებული მიჩვენა გიგო: თვალები უელავდა, წყნარად ველარ იდგა, სახე უთამაშებდა. გავკვირდი.

მე და გიგო ერთი კბილისანი ვართ, ერთ უბანში გამოხდილები. ორი სასწავლებელი გაგვითავებია ერთად, ერთ მეორეზედა. მეგობრები ვართ. ერთმანეთშიც კი დავდივართ ათასში ერთხელ. ძალიან ხშირად ვხვდებით ერთმანეთს, თითქმის ყოველ დღე: ის რომ აღმა მიდის სამსახურში, მე დაღმა მივდივარ სამსახურშივე; ის რომ დაღმა ბრუნდება შრომიდან, მე აღმა ავსდევ გზას ბინისაკენ. გავუღიმიებთ ერთმანეთს, სიტყვას ვაღუვდებთ, გვიამებაა: განა ბევრი და შეგვჩხა გარშემო ჩვენი ხნის მახლობელი.

შემკვარ-შემხმარი კაცია. ჩანაოქებული ყვრიმალზე თუ ლოყაზე მიწის ფერი ასდევს წალურჯო. ქეჩოხედ-ლა შერჩენია თმა, შუბლი და ქალა მოლიპილი აქვს. არა თოვს, მაინც თეთრად არის გადაბარდნული. წელში მოხრილა მკვიდრად ნაგები. სადღა არის მისი მოხდენილი რონინი?! სამით მოდის, მძიმედ მოაბიჯებს, რყევით. ჩამქრალი თვალები. ზრუნვის ხაზები ნაკეც შუბლზედა, საყოველღეო დრტეინვისაგან ნაწურ ადამიანის მანიშნებელი ფიქრის ღარები.

რა ოცნებებს ველებოდა ოდესმე თავს! რა ნატურის ყვავილებს ეწვდებოდა მოსათვლელადა! იმ სუნნელოვან მდელითაგან ჰლაამოდა ლამაზ თაიგულის შეკონვას, ტურფა სამშობლოსთვის რომ ჰსურდა ესროლნა საყვარელ გულში მისდამი გამიჯნურებულს. დაცრცნილ-დაბეჭილი ჩანთა გადასაწერ ქალაღებთ სავსე, მქადის ფასს რომ მიუპყრობს, იმ ეტრატებისა. ნუ თუ ეს და დარჩა სხივის ნატეხივით მოციმიციმე ბაღლისაგან, ცეცხლის ბირთვივით მცხინვარე ქაბუკისაგან?!.. ესე და დაგვჩხა სანაცვლოდ იმ იმედისა დიდისა...

„გცალიან? შეგიძლიან ნაევეარი საათით შეიფერხო?“

„არა მცალიან... შემიძლიან... მითხარ!“

„წამო, გიჩვენო რამე. დეე დავგიგვიანდეს.“

„იარე!“

* * *

დავბრუნდით. ჩავიარეთ ქუჩა. შესახვევში დიდი მალაზია იყო, მდიდარი. ყველა ნაირი ნივთი ელაგა ფართო ფანჯარაში, ძველის ძველი სიმდიდრე საოჯახო. ხმალი, ვერცხლის ჩარჩოიანი სარკე. ვინ იცის რამდენი ტურფა სახე იყო მის მინაზედ აღბეჭდილი, ქარვის კრიალოსანი ოქროს ღილები ჩართული, ფარჩის საბანი აბრეშუმის ყვავილ შეყრილი, მუზარადი წარწერით, ხმლის ფხა რომ ეტყობოდა შუბლის ისართან... ვინ მოსთვლის?! ზოგი ისეთი განძი მოჩანდა, საშვილიშვილოდ რომ გადადიოდა ოჯახში საუკუნეთა განმავლობაში, იცი შენ, რა ღვარმაც გამოიტაცა ეს მძიმედ დაცული სიმდიდრე საღაროებიდან, დუქნებში გამოიჩიყა; კარგად იცი! ისეთი ძალა მოიპოვა მქადმა, ვეღარაფერი გაუმაგრდა მას, ცხრაკლიტული რკინის კარები ჩაღეწა მისმა ძლიერებამ და წამოაცალიერა ურყევი საგანძურები...

რა ვუყოთ! ახლად დავიბადენით ისტორიულად და ავი არ უნდა გვიკვირდეს დუშმანისაგან აკლებულ-მისუსტებულთ, სიკვდილის პირად მიტანილთ. წამოვჯობინდებით, მუხლს მოვიმაგრებთ, დავმშვენდებთ რიხით, სიძლიერით, შემმართებლობით და...

და უკეთეს განძეულობას შევეუკრებთ ერსა, ნივთიერ თუ სულიერ სიმდიდრეს. ამირანიც ხომ თვალ დაზიანებული გამოვიდა ვეშაპის გვამიდან, წვერ-ულვაშ გაცვივებული. ტყუილანაღვლობდა კარგი ქართველი, ამაოდ წყრებოდა: მტრისავე ფილტვის ნაკვეთით გაიმთელა თვალი; იგრი-ბატონის ჯადო-წყალი რომ გადაივლო, ჯალჯი თმა ლომის ფაფარივით გადაგ-

ფინა, ყორნის ფრთასავით შავმა წვერ-უღლავმა რიხი უორკეცა შავ ღრუბლის მზავს შესა-
ზარ ვაჟკაცს.

„დახედე! დაათვალიერე!

„კაცო, ამის გულისათვის როგორ წამომიყვანე და მომაცდინე?! რამდენჯერ დამითვალიერებია...

„გასინჯე მეთქი, ძალიან ძვირფას რასმე შექნიშნავ.

ავათვალ-ჩავათვალიერე.

„სულ ყველაფერი ძვირფასია. რომელს დავადვა ხელი?!

„ეე, ერთი შეხედე ამ სარტყელს...

„ძალიან ლამაზია. ემზით არის ნაკერი, დიდის ხელოვნებით. მართლა და რა ძვირფასია!

„ჩემი ნაცნობი განძია, ბალობიდან ნანახი; ხელშიც მჭერია.

გაკვირებით შეხედე: ვინ გიგო, სად ესეთი განძი ფასდაუდები?!

„არა გჯერა? ვიამბობ!

და მიაპო ყველაფერი მჭვირვალისთხედ, ციავაზედ, სარტყლის შემორტყმავედ.

„ფული მქონდეს, უთუოდ შევიძენდი.

„კარგი მასალა გკლებია! თანხა მქონდეს, იცი მე რას ვიყიდი? ვუთხარ და თითებზედ ჩა-
მოვუთვალე, რასაც მოვივაჭრებდი. ძალიან მოეწონა, სულ ელექტ-მელექტი მოსდიოდა; თვალი
მაინც იმ სარტყელისკენ ეჭირა, იმ სადგოფლო სამკაულისკენ. ამაოდ: ვინ შესწვდებოდა?!
გულში ჩამეჭრა, მენახა სარტყელის გამყიდავი. ვკითხე სოვდავარს. დედაბებმა მომყიდაო;
არ ემეტებოდა, მაგრამ მეტი გზა აღარა ჰქონდაო. მანიშნა. უთუოდ ვნახავ.

ქმწიკ მამსახურდია

თეოდორე დოსტოევსკი

დოსტოევსკიზე გოეთეს სიტყვები ზეგამოჭრილია: ხელოვნება განხარისხებული დემონიურო-
ბაა. დოსტოევსკიც განხორციელებული დემონიურობაა, დემონიურობის მაქსიმუმი, ადამიანის
პირით მეტყველი. უფრო მეტი. იგი დემონია ადამიანურობის საღტეებით შებოჭილი. ბრძო-
ლა მარად ადამიანურ და მარად დემონიურ ელემენტებს შორის, ეს არის ატმოსფერა დო-
სტოევსკის გენიის ზრდისა. დემონსა და ადამიანს შორის ბნელი ქაოსია, დემონიურსა და
ადამიანურ მიჯნას გადამცდარი ადამიანი ეს არის გმირი დოსტოევსკისა.

შეხედეთ მის სახეს. მთელი ჩვენი საუკუნის ტკივილებს იქ ნახავთ. ჩაიხედეთ მის სტრიქონე-
ბის ორღობებში, ჩაიხედეთ მის ნაოკების არეებში, თქვენ ნახავთ რა ღრმაა ქვეყნის ტკივი-
ლი, ნახავთ რა მძიმეა ჯვარი განგების ხელით რო დაეტვირთება ამ ქვეყნად ისეთს ადამიან-
ებს, რომელნიც მარიონეტით ჰქანაობენ ღვთაებრივსა და დემონიურს შორის.

სევდით დაესილი თვალები მისი, ელავენ დემონით შეპყრობილ ადამიანის ტანჯვით. მისი
მალალი შუბლი, ფრთიანი არწივისებური აზრების საბუღორია. მისი ეპილეპტიური კონვულსიებით
მოკუმშული ტუჩი მე შოპენჰაუერის ნერვიულად მოკუმშულ ბაგეს მომაგონებს. რამდენი რა
ჰქონდათ ორთავეს სათქმელი და რა ცოტა სთქვეს შედარებით. ქვეყანაც იმიტომ იტანჯება
ასე უღმერთოდ, რადგან ნაგრძნობი სჭარბობს ნათქვამს მუდამ.

ასი წლის წინად მოკვდა იგი. ამ ქვეყნად სამოცი დაჰყო მან. ვინ დატანჯულა მასავითმწა-
რედ. ეგებ იესო, ჩვენი მიწიერი ტანჯვა რო იტვირთა და ჯვარზე ავიდა ისე, როგორც არც
ერთი გვირგვინოსანი ტახტზე. ეგებ ფრიდრიჰ ნიცშე, დიდი ანტიპოდი ნახარეველის, ანტე-
ქრისტე და ჯვარცმული დიონისე. და სადაც ნიცშეს წმინდა სახელი იხსენება, იქ იხსენება

დოსტოევსკის სახელიც, რადგან მასზე სთქვა ნიცშემ: „ერთად ერთი ფსიქოლოგი, რომელმაც ცოტა რამ მასწავლა მე“.

ვინ არ ისწავლის მისგან!

მან მთელი ჩვენი საუკუნის ტკივილები საუკუნით ადრე არ გამოჰხატა. „მოჰკალ ეგ მდიდარი, კრიჟანგი ბებერი“ ასე უკარნახებდა რასკოლნიკოვს თავისი სინიღისი.

მისმა რუსეთმა ეს კბილებ ჩამღვრძვალ ბებერი მოჰკლა, მაგრამ განა ჩვენ საუკუნე ტვირთი შეუშსუბუქდა? განა ნათელ მოსილი სიმშვიდით არ შემოგვანათის დღესაც ნაზარეველის სათნო ალთქმა: „ბოროტებას წინ არ აღუდგე“, რადგან თვით ბოროტებაც ისე აუცილებელია ადამიანურ ცხოვრებისათვის, როგორც ღმერთ შეყვარებული სათნოება? მასაით არავის უგრძენია ის საშინელი კონფლიქტი ადამიანურ საზოგადოებისა, რომელიც განადგურებას უქადის ჩვენ თანამედროვე კულტურას.

„ეს მართლაც ღრმა ადამიანი ათკეცად მართალი იყო, ამბობს ნიცშე. მართალი იყო დოსტოევსკი როცა მასში გრძნობა და წინასწარგრძნობა მეტყველებდობდა. ხოლო გონკური: დოსტოევსკიმ თავისი ეფექტები ფრანგულ რეალისტურ რომანიდან ისესხა და მერე თავისი ნაწერები აავსო, აავსო ედგარ პოეთი

განა მარტო პოეთი? დოსტოევსკიმ რუსეთით, ქლეკით, სპლინით, შიმშილით, სიგიჟით და ეპილეპსიით აავსო თავისი ხსოვნათა ურნა.

ეპილეპტიკი და ენა დაბმული მისტიკოსი. ამორი და ჰსიხე, დეკადანსი და გარიჟრაჟი. ერეტიკოსი და ღმერთის მაძიებელი, ქრისტე და ანტექრისტე. ყველაზე უწინ დიდი ინკვიზიტორი. ესაა დოსტოევსკი. სულ ყველგან კონტრასტები, ყველგან გოეთესებური პოლარულობათა ჭიდილი. და ამ საშინელ მსოფლიო კონტრასტების სტიქიონურ ჭიდილის გამომახატველი ხელოვანი, რომელმაც ქვეყანა „ყვითელ სახლში“ გადაიტანა, იყო თვით დოსტოევსკი. ამ ყვითელ სახლში ნახა მან ალიგიერი დანტეს *L'Inferno*. საქმეც ის არის ამ ქვეყანაზე იარო ადამიანური სამოსით და ადამიანურად მგრძნობიარე გულით, ხოლო მისანისა და ნათელ მხილველი თვალით იხილო ჯოჯოხეთი სულიერ წარღვნათა და ცისკარი განწმენდის მათა კირჩხიბებზე გარდმომდგარი. რა დიდ, იყო დოსტოევსკი როგორც ხელოვანი, რა მარტივი მისი ადამიანური ცხოვრება! ეპილეპტიკი. რედაქტორი. მშვიერი სტრიქონების შეეყურე მწერალი, რომელიც ავანსების მიღებამდის სქამდა ავანსებს. ჟურნალისტი და კატარღელი. უმართებულოდ დასჯილი, მაგრამ მაინც დამნაშავე, რომელმაც კაცის მკვლელის გამართლებაც კი მოინდომა მაღალი აზრის სახელით. მაკიაველი ადამიანურ მორალში და ამორალისტი *Par excellence*. მაგრამ მაინც კაცი რომელიც ზეკაცისთვის ქოხს აშენებდა ამ ქვეყნად და ამიტომაც გვიყვარს იგი ჩვენ.

ჩვენ გვიყვარს ის, როგორც ადამიანებს და როგორც ქართველებს, თუმცა პანქართველიზმი და პანსლავიზმი შეუთავსებელი მცნებებია.

დიდ ადამიანებს ხშირად დიდი შეცდომებიც ჰშვენის, შვენის მაგრამ ეს არ ამართლებს მათ. მისი პანსლავიზმი ისეთივე აბსურდი იყო, როგორც მთელი მისი კულტურა-ფილოსოფია. მას გულწრფელად სჯეროდა რომ სლავიანელები ყველაზე მაღლა უნდა დავაყენოთ, რადგან ისინი ყველაზე წინ მიდიან (*sic*). ევროპის დიდ ცივილიზაციაზე და კულტურაზე მას ფრიალ ბუნდოვანი წარმოდგენა ჰქონდა. მან ვავონის ფანჯრიდან დაათვალიერა გერმანია, შვეიცარია, ერთი დამეც ფლორენციაში და ორიოდ კვირა ლონდონ სიტის მიდამოებში და უკვე მზად იყო ზღაპარი „კბილ ჩამღვრძალ ევროპის შესახებ“.

მას არ უნდოდა ანგარიში გაეწია იმ დიდ არტისტიულ და ეთიურ კულტურისათვის, რომლის ბრწყინვალე წარმომადგენელი იყვნენ დანტე და გოეთე, შექსპირი და მიქელ-ანჯელო. მისი დიდი თანამემამულე ბოლოს და ბოლოს იძულებული გახდა ქედ მოედრიკა ამ სახელების წინაშე.

მაგრამ ჩვენ გვიყვარს არა დოსტოევსკი რომანსიე (მისი რომანი დღეს უფორმო ჟურნალიზ-

მად მოგეჩვენებათ არც თუ დოსტოევსკი სტილისტი, იგი ბლუკუნა გენიოსი იყო შექსპირთან და დანტესთან შედარებით. არც თუ დოსტოევსკი ჟურნალისტი დილექტანტურად გადამჭრელი დიდი კულტურ-ფილოსოფიური პრობლემებისა, არამედ დოსტოევსკი კოსმიურ პრობლემების დამყენებელი, დოსტოევსკი რელიგიური გენიოსი, დოსტოევსკი მისანი და წინათელ მხილველი, მამამთავარი და წინამორბედი ძლიერი ეთიკისა და მსოფლიო გაგების. ამ პუნქტებში იგი ძმურად ხელს უწყვდის ჩვენი თანამედროვეობის შეუდარებელ ჰეროდოსს, ფრიდრიხ ნიცშეს.

და ჩვენ გვიყვარს ახალი სულისა და სამყაროს ახალი იდეების მახარობელი დოსტოევსკი, რომელიც იტყობდა: „შემდეგ მოვიდის ცხოვრება ახალი, ძე კაცისა ახალი, ყველაფერი ახლად იქნება, შემდგომად დაჰყოფენ მსოფლიო ისტორიას ორ ნაკვეთად: გორილადან დემერთის დამხობის დღემდის, ხოლო დემრთების დამხობიდან მიწისპირისა და ადამიანობის მოდგმის ხელახალ ფერისცვალებამდის. და კაცი გარდიქმნება დემრთად და ფსიქიურად ფერს იცვლის, სამყარო, ქცევანი და მოქცევანი, აზრნი და გრძნობანი ადამიანობის მოდგმისა იცვლიან სახეს“. ამ დიდი მსოფლიო მეტამორფოზის მახარობელ დოსტოევსკის ეკუთვნის ჩვენი ღრმა ფიქრი და სიყვარული, მისი დაბადების ასი წლის თავზე.

ტფილისი 1922 წლის იანვრის 5-ს.

საქართველის მახარობელი

საქართველო

აკაკი წერეთლის სახლი. სრულიად საქართველოს მწერალთა კავშირმა თავისი მიმართვის პასუხად (იხ. „ლომისი“ № 1) შინაგან საქმეთა სახალხო კომისარიატისაგან შემდეგი პასუხი მიიღო: თქვენს მიმართებაზე აკაკი წერეთლის სახლის დაცვის შესახებ, კომისარიატი გაცნობებთ რომ ჩვენს მიერ გაცემული არის სასტიკი განკარგულება შორაპნის რეგკომისადმი აკაკი წერეთლის სახლკარის აღრიცხვიდან ჩამოხსნისა და დაცვის შესახებ“.

აკაკი წერეთლის ანდერძი. სრულიად საქართველოს მწერალთა კავშირმა მის მიერ აღრძულ შუამდგომლობის შესახებ (იხ. „ლომისი“ № 1) რათა სისრულეში იქნას მოყვანილი აკაკის ანდერძი, განათლების კომისარიატისაგან მიიღო შემდეგი პასუხი: „განათლების გომისარიატი გაცნობებთ რომ აკაკის მამულში სასოფლო-სამეურნეო ტენიკუმი გაიხსნება მომავალ წლიდან“.

სრულიად საქართველოს მწერალთა ანკეტა მწერალთა კავშირის საბჭომ დასაბეჭდათ დაამზადა საანკეტო ფურცლები, რომელიც ამ დღეებში დაურიგდება კავშირის წევრებს შესავსებად.

ქართული ლიტერატურის გავრცელება. სრულიად საქართველოს მწერალთა კავშირმა შუამდგომლობა აღძრა საქართველოს რკინის-გზების სამმართველოს წინაშე რომ მას იჯარით გადაეცეს რკინის-გზის ყველა კიოსკები ქართული ლიტერატურის გავრცელების სათანადო დონეზე დასაყენებლად.

ლიტერატურული ხუთშაბათები. 5 იანვარს ხელოვნების სასახლეში შესდგა მორიგი (მეშვიდე) ხუთშაბათი: ობოლი მუშა—პროლეტარული პოეზია.

ვასო აბაშიძის იუბილე. 15 იანვარს რუსთაველის თეატრში გაიმართება ვასო აბაშიძის 50 წლის იუბილე.

დანტეს საღამო. სრულიად საქართველოს მწერალთა კავშირის საბჭო იანვრის 12, დანტეს გარდაცვალების 600 წლის თავზე გამართავს საზეიმო მერვე ლიტერატურულ ხუთშაბათს, რომელზედაც მოწვეული იქნებიან აგრეთვე საპატიო სტუმრებიც.

ხელოვანთა კომიტეტი. მოხდა ქართველ ხელოვანთა მთავარი კომიტეტის რეორგანიზაცია შემდეგ საფუძველზე: ხელოვანთა კომიტეტის საბჭო შესდგება ცამეტი კაცისაგან: 7 ადგილი დაეთმო სრულიად საქართველოს მწერალთა კავშირს, რომელმაც თავისი მხრით სამი ადგილი დაეთმო ახლად დაარსებულ ასსოციაციებს. კომიტეტის თავმჯდომარედ არჩეულ იქნა სრულიად საქართველოს მწერალთა კავშირის თავმჯდომარე—პოეტი კოტე მაყაშვილი.

ი. გრიშაშვილის წიგნი. გამოდის მეორე ტომი ი. გრიშაშვილის ლექსებისა.

ახალი წიგნები. რედაქციამ მიიღო შალვა კარმელის ლექსები „ბაბილონი“ და რაქდენ გვეტაძის „ღამეები“.

სრულად საქართველოს მწერალთა კავშირში. საქართველოს მწერალთა კავშირის მესამე კონფერენციამ მიიღო შემდეგი რეზოლუციები:

გამომცემლობის შესახებ: „საქართველოს მწერალთა მესამე ყრილობამ მოისმინა რა მოხსენება მწერალთა კავშირის საბჭოსი გამომცემლობის შესახებ, აღნიშნავს, რომ სახელმწიფო გამომცემლობის არსებული პირობები ვერ აკმაყოფილებენ მწერალთა კავშირის მიერ დასახულ მიზნების განხორციელებას ამ სფეროში. მწერალთა ყრილობა სპეციალურად მიიღებს მთავარ საკითხს მწერალთა კავშირის უფლება თვით ჩაუდგეს სათავეში გამომცემლობის საქმეს, რისთვისაც უზამდგომლობს რესპუბლიკის მთავრობის წინაშე, რომ მიეცეს მას სტამბა და სხვა საგამომცემლო ტექნიკური საშუალებანი“

ხელოვანთა სასახლის ორგანიზაციის შესახებ: საქართველოს მწერალთა ყრილობამ მოისმინა რა მოხსენება მწერალთა კავშირის საბჭოსი ხელოვანთა სასახლის ორგანიზაციის შესახებ დაადგინა: ხელოვანთა მთავარ კომიტეტის მწერალთა კავშირის წარმომადგენელთ ვეალებათ ხელი შეუწყონ კომიტეტს, რათა ხელოვანთა სასახლეში ახლო მომავალში გატარდეს მუშაობა და სასახლე გადაიქცეს ცენტრად ქართული ხელოვნებისა და კულტურისა. მწერალთა ყრილობას არა სასურველად მიაჩნია სასახლეში კერძო ბინების არსებობა. მწერალთა კავშირი თავის მუშაობისათვის იკავებს საქირო ნაწილს ხელოვანთა სასახლის ბინისას. კავშირის წარმომადგენლები იღებენ თავის თავზე მოაწყონ სასახლეში სალიტერატურო საღამოები, ბილირთეკა-სამკითხველო, მწერალთა სამუშაო ოთახი. მწერალთა კავშირი უფლებას იტოვებს თავის საქმეების ავტონომიურად წარმოებისას და მთავარ კომიტეტში შედის, როგორც თავისუფალი ასოციაცია“.

„რაბისში“ წევრად ჩაწერის შესახებ: „კონფერენცია სასურველად სცნობს კავშირის წევრები პერსონალურად ჩაეწერონ რაბისში“.

სამეურნეო საბჭოს დაარსების შესახებ: კონფერენცია იღებს პროექტის დებულებას მწერალთა საბჭოსთან სამეურნეო საბჭოს დაარსების შესახებ.

უცხოეთი

დანტეს ნეშტი. რავენას ქალაქის თავის წინადადებით დანტეს დღესასწაულის დღეს საფლავიდან ამოიღეს რამოდენიმე წუთით დანტეს ნეშტი, რომელიც 1865 წელს რალაც მანქანებით საფლავიდან მოიპარეს და იმავ წელს იპოვნეს ისევ.

რიჰარდ შტრაუსს ნეე-იორკში დიდის ოვაციებით შეეგებნენ. იგი მიიღო საპატიო სიტყვით ნეე-იორკის ლორდმერმა.

დოსტოევსკის დაბადების დღე ნოემბერში გერმანიის სხვა და სხვა ქალაქებში იღვწასწაულეს. ამ დღეს გამოქვეყნდა ახალი 25 ტომიანი თარგმანი დოსტოევსკის ნაწერებისა.

ლეონარდო დავინჩის დაკარგული ხელთნაწერები, ტაიმსის ცნობით აღმოაჩინა იტალიელმა მეცნიერმა დე ტონიმ.

ახალი ნობელის პრემია, სტოკჰოლმელ გაზეთების ცნობით, დაახლოებით 140,000 ოქროს შვედ. კრონა დანიშნულია ინგლისელ მწერლის თომას ჰარდისათვის.

გერჰარტ შაუბტმანს პრაგის უნივერსიტეტის ფილოსოფიურმა ფაკულტეტმა უბოძა ფილოსოფიის დოქტორის საპატიო ხარისხი.

მაქსიმ გორკი, რომელიც დამშუულ რუსეთისათვის დახმარების მოსახვეჭად იყო ევროპას წასული, გერმანიაში ავად გამხდარა.

ვლადიმერ გალაკტიონისძე კოროლენკო. რუსეთის მწერალი კოროლენკო გარდაცვლილა.

ევროპიულ მხატვრობის გამოფენა იაპონიაში. „ფოსიშე ცაეტუნგი“ სწერს: დღემდის იაპონია შორიდან უმწერდა მხოლოდ ევროპიულ მხატვრობასა და პლასტიკას. ხოლო ამ წელს ცნობილმა გემების აშენებელმა კ. მატსუკატამ დიდძალი თანხა გადასდო დიდი სტილის სამხატვრო გალერიის გასახსნელად ტოკიოს ერთ სერზე. მან ამ საქმის ხელმძღვანელად მოიწვია ინგლისელი მხატვარი და გრაფიკოსი ფრანკ ბრანგვან. ჯერჯერობით ამ გალერეაში მოთავსებულია 50 სხვა და სხვა ნაწარმოები. აქვე გამოფენილია დეგასის, კეზანეს, ჰუპის, დე შაკანის და სხვათა ნახატები.



რ ე და კ ტ ო რ ი:
სარედაქციო კოლეგია
გ ა მ ო მ ც ე მ ე ლ ი:
სრულ. საქართ. მწერალთა კავშირი